

Nunatta Karsiata 2024-mi naatsorsuutai pillugit itisileeqqusilluni apeqqutitut akissutit

Tamanut atuuttoq

Naalakkersuisut akissutaannut ataatsimiititaliaq qujavoq immikkullu maluginiarlugit. Sulisunut aningaasartuutit toqqaannartut agguaqatigiisinnerqarneri sanilliunnerqartut 487 t.kr.-nit missaanniit 517 t.kr.-nit missaannut amerlisimasut, 6%-it amerleriaataannut naapertuupput, naatsorsuutigineqarsinnaasuniillu amerlanerullutik. Ataatsimiititaliaq tamatuma itisilerlugu akissuteqarfigineqarnissaanik noqqaassuteqarpoq kiisalu "sulisunut toqqaannartumik aningaasartuutit"-nut suut ilaanersut erseqqissaavigineqarusuppoq.

Akissutit:

Aallarniutigalugu malugineqarpoq Kukkunersuinermit Ataatsimiititaliap apeqqutaani atorfillit amerlassusaasa misingersuutini kisitsisitali (atorfiit amerlassusai) sulisunut toqqaannartumik aningaasartuutit pillugit naatsorsuutini kisitsisitaaviinut assersuunneqarsimasut.

Assersuussineq taanna ineriartormik eqqortumik takutitsinngilaq, tassami missingersuutini atorfillit amerlassusai kisitsisinngortillugit naatsorsorneqarnikuunngimmata, kisiannili aningaasaliissutit iluini sulisoriumaagassatut naatsorsuutigineqartunut taamaallaat takussutaammata.

Akerlianilli sulisunut toqqaannartumik aningaasartuutiviit piviusumik atuinermut naapertuuttut pissutsinit arlalinnit sunnerneqartarput – matumani aningaasarsiat qaffanneri, sulisut katitigaaneri, paarlatsinik aamma immikkut siunnersortinik atuneq kiisalu utaqqiisigalugu inigisaqarnerit aamma aqqissuussaanikkut allannguinerit ilanngullugit.

Amerlassutsit taakku marluk procentinngorlugit sanilliunneri taamaattumik agguaqatigiissillugu aningaasarsiat ineriartormerit nalilersuinermit tunngavilersuutitut atorineqarsinnaanngilaq.

Nunatta karsiata naatsorsuutaasa ineriartormeri allakkiaq 5-imi ima takutinneqarput:

5 Sulisunut, oqalutsinut taartaasartunullu aningaasartuutit

mio. kr.	2022	2023	2024
Akissarsiat katillugit	2.118	2.172	2.291
Sulisut amerlassusaat	7.706	7.949	7.925
Ukioq naallugu sulisut	4.126	4.175	4.231

Ukioq naallugu sulinermut akissarsiat agguaqatigiissillugit, t.kr.-nikkaat	513	520	541
--	-----	-----	-----

Ukioq naallugu sulisumut ataatsimut aningaasarsiat agguaqatigiisinnerinut sanilliussineq 2023-miit 2024-mut 4 %-inik amerlariaateqarsimasooq takutineqarsinnaavoq.

Qitiusumik naatsorsuuseriviulli maluginiarpaa ukioq naallugu sulisut amerlassusii eqqortumik nalunaarsorneqarsimanngitsut.

Taamaattorli naqqiilluni nalunaarsuinerup takutippaa 2023-miit 2024-mut 4 %-imik amerleriaateqartoqarsimaasoq.

5 Sulisunut, oqalutsinut taartaasartunullu aningaasartuutit (naqqitat)

mio. kr.	2022	2023	2024
Akissarsiat katillugit	2.118	2.172	2.291
Sulisut amerlassusaat	7.706	7.949	7.925
<i>Ukioq naallugu sulisut</i>	<i>4.270</i>	<i>4.330</i>	<i>4.398</i>
<i>Ukioq naallugu sulinermut akissarsiat agguaqatigiissillugit, t.kr.-nikkaat</i>	<i>496</i>	<i>502</i>	<i>521</i>

Sulisunut toqqaannartumik aningaasartuutit kontot suunerini tulluuttuni ilaapput:

122010100	Qaammasiat - Nassuiarneqanngitsut
122010200	Nal. akunnermusiat - Nassuiarneqanngitsut
122010300	Sulineruneq - Nassuiarneqanngitsooq
122010400	Soraarnerussutisiaqalernissamut akiliutit - Nassuiarneqanngitsut
122010500	Sulinngiffeqarnermi akissarsiat - Nassuiarneqanngitsut
122010600	Suliffeqarnermit soraarnerussutisianit tapiliussat
122040100	Akissarsiat nammineq suliarineqartartut
122040101	Akissarsianit utertoortut
122040105	Tjenestemandit akissarsiai nammineq suliarineqartartut
122040110	Qaammammusiat nammineq suliarineqartartut
122040115	Nal. akunnermusiat nammineq suliarineqartartut
122040130	Akissarsiat akiitsorineqartut - Akissarsiasanik isumaqatigiissut malillugu akilerneqanngitsut
122040150	Suliffimmi sungiusarluni akissarsianut ajunngitsorsiasat
122040190	Suliffeqarfiup iluani sulisut aningaasartuutaanik nuutitsineq

10 Naalakkersuisup Siulittaasuata Naalakkersuisoqarfia

Konto	Apeqqukit
101310	Ataatsimiititaliaq qujavoq aamma Naalakkersuisoqarfiup akissutai allappai. Ingerlatseqatigiiffiit aningaasatigut unamminartorsiortut ingerlanneqarnerisa kivinnissaannut periarfissat suuppat? Akissutit: Naalakkersuisut piginnittuuneq atorlugu ingerlatseqatigiiffiit nalinik pilersitsinerat tapersersorsinnaavaat aamma pingaarnertigut periusissianut tunngavissiat isummerfigisinnaallugit. Taamaalilluni siuariartorneq qulakkeerniarlugu pingaarnertigullu periusissiatigut anguniakkat anguneqarnissaat imaluunniit anguniakkanik taakkuninnga ingerlatseqatigiiffiit angusaqarnissaannik suut akornutaasinnaanersut periusissiatigut tunngavissiat taakku malinnaavigineqartarput. Naalakkersuisut ulluinnarni ingerlatsinermut toqqaannartumik akuliunnissartik kissaatiginngilaat, inatsisilli aqqutigalugit nalimmassaanissamik periarfissat atorusunnerullugit aamma ulluinnarni ingerlatsineq kiffartuussinissamik isumaqatigiissutit aqqutigalugit tapersersuerusunnerullutik, assersuutigalugu nunap iluani attaveqaatersuutit piginnarneqarneri imaluunniit inuiaqatigiinni suliat pinngitsoorneqarsinnaanngitsut eqqarsaatigalugit. Ingerlatsineq eqaallisarniarlugu aamma ingerlatseqatigiiffiit nakkutigineqarneri eqaallisarneriarlugu ingerlatseqatigiiffiit ilaasa ingerlatseqatigiiffiit aaqqissuussaanerinit allanut allannguisinnaaneq imaluunniit ingerlatseqatigiiffiit minnerusut kattunneqarsinnaaneri Naalakkersuisunit eqqarsaateqarsimanerluni? Akissutit: Naalakkersuisut ingerlatseqatigiiffiit ingerlatseriaasiannik allannguillutik siusinnerusukkut suliaqarnikuupput, kingullermik mittarfeqarfiit ataatsimuulersillugit Mittarfeqarfiit suliffeqarfittut namminersortitamit aktianik piginneqatigiiffinngorlugu 2022-mi Mittarfeqarfiit A/S-inngortinneqarluni. Ingerlatseqatigiiffiit aaqqissuussaaneri aktianik piginneqatigiilluni ingerlatseqatigiiffittut iluseqartitsineq atorunnaarsinniarlugu allannguinissaq maannakkut qimerloorneqarnikuunngilaq, aaqqissuussinermi taanna suliffeqarfimmi tunngavigisanik pisariaqartinneqartunik naammassinnissammat aamma taamatut allannguneq ingerlatseqatigiiffiit atuunnerinit ajoqusiinnaammat eqqortumik pisariillisaaneq anguneqarsinnaassanersoq piffissami ikaarsaariarfimmi nalornissutigineqarluni. Aktiateqarluni ingerlatseqatigiiffeqarneq ilisimasallit qinikkanit sunnerneqaratik aalajangiisussaaneranni iliuuseqarnissamik kiisalu ingerlatseqatigiiffiit allat aamma taamatut pisinnaasut eqiingasumik piginnittuunermik periarfissiivoq. Taamaattumik ingerlatseqatigiiffiit ilusaasa allannguiffiginissaat eqqarsaatersuutigineqarnikuunngillat, massakkummi pitsaasumik kinguneqarsinnaasutut isigineqanngimmata. Ingerlatseqatigiiffiutit Naalakkersuisut tungaanniit allannguiffigineqassappata, A/S-ip iluserisartagaasa ilaat atorlugit allannguisoqarsinnaassaaq. Ingerlatseqatigiiffiit ilaasa kattunneqarsinnaanerinik eqqarsaatersuutit Naalakkersuisunit eqqartorneqarnikuupput aamma tamanna pillugu sulisoqarluni.

	Maannakkut assersuutigalugu INI A/S aamma Illuut A/S, ingerlatsinermik pisariillisaanissaq ingerlatseqatigiiffiillu taakku marluk akornanni sunneeqatigiinneq pilersinniarlugu, kattunneqarsinnaaneri erseqqissarneqarpoq. Ingerlatseqatigiiffiit marluk taakku kattunneri piginneqatigiissuteqarluni ingerlatseqatigiiffittut, soorlu A/S-itut ingerlaannarsinnaarpasippoq. Ingerlatseqatigiiffiit siunissami pitsaanerusumik ingerlanneqarsinnaaneri anguniarlugit ingerlatseqatigiiffiit suliniutigisinnaasai pillugit Naalakkersuisut qanoq taakkunannga oqaloqateqartartigippat? Akissutit: Naalakkersuisut ingerlatseqatigiiffinnik ingerlaavartumik oqaloqateqartarput, tassani Naalakkersuisut Siulittaasuata Naalakkersuisoqarfianit ingerlatseqatigiiffiit ataasiakkaat ingerlanneqarnerisa pitsanngorsarnissaannut tapersorsorneqarnissamik pisariaqartitsisut naalakkersuisoqarfik namminerminnut akisussaasoq peqatigalugu ingerlatseqatigiiffinnik qaninnerusumik oqaloqatiginnittarpoq, tassanerpjarlu naammaginangitsumik angusat aaqqiiffiginiaarlugit suliniutinik aallartitsinissaq qulakkeerniarneqartarpoq.
--	---

20 – Aningaasaqarnermut Akileraartarnermullu Naalakkersuisoqarfik

Konto	Apeqqutit
200520	Ataatsimiititaliaq qujavoq aamma Naalakkersuisoqarfiup akissutai allappai. Namminersorlutik Oqartussat kommuninut siunertanut aalajangersimasunut aningaasat atugassat qanoq nakkutigineqarnerisa nassuiarneqarnissaat ataatsimiititaliap noqqaassutigaa, matumani kommuninit aningaasat qanoq atorneqarnerinik uppersaatinik qanoq pissarsiniartarnek ilanngullugu. Akissutit: Aningaasat aalajangersimasunut atugassiat pillugit kommuninit immikkut ittumik uppersaammik pissarsiniartoqarneq ajorpoq. Kommunit ukiumut naatsorsuutit itisilerlugit tamanut saqqummiuttarpat, taamaalluni Namminersorlutik Oqartussat aningaasat aalajangersimasunut atugassatut tunniussaasut suliaqarfinni qanoq atuisimaneriniq malinnaasinnaaneq periarfissaalertarpoq. Aningaasat aalajangersimasunut atugassiat kommunit Namminersorlutik Oqartussanit ataatsimoortumik tapiissutit aqutigalugit tigusartagaat suliaqarfinnut makkununga tunngasuupput, 2024-mut Aningaasaqarnermut Inatsit takuuk: 1) Kuuffiit iluarsartuunneri, 2) Innarluutilinnik suliaqarfik, 3) VSP aamma PPR, 4) Kujallermi Savaateqarfiit aqquserngi, 5) Nunami allanngutsaaliukkami nakkutilliisut, Unesco, 6) Nunaqarfinni isorliunerusunilu ineqarnermut pilersaarut, 7) Ineqarnermut tapit, iluarsartuussinnermut tapit, 8) Ilaqutariit illuinut ilaqutariillu højskoliinut tapit, 9) Suli atualinnginnermik atuarfiorneq aamma atuarfiorneq, 10) Namminerisamik illuliornermut tapiissutit, 11) Nunaqarfinni isorliunerusunilu inuussutissarsiutinik inerisaaneq.

	Aningaasaqarnermut Akileraartarnermullu Naalakkersuisoqarfiup kommuninik suleqateqarluni kommunit naatsorsuutaasa inernerigallagaat qaammatit pingasukkaarlugit suliarineqartarnissaannik periusissiaq pilersinnialerpaa. Periusissiaq taanna aningaasat aalajangersimasunut atugassiat suliamut pineqartumut atorneqartarneri pillugit tunngaviusumik aamma atorneqarsinnaassaaq.
--	---

24 – Akileraartarnermut Aqutsisoqarfik

Konto	Apeqqutit
241013	Ataatsimiititaliaq qujavoq aamma akissullu allappaa. Soraarnerussutisiaqalernissamut aningaasaateqarfik SISA PAL-akileraarutinit tapiisartunit annerpaasoq pillugu Ataatsimiititaliap kissaatigaa Akileraartarnermut Aqutsisoqarfiup SISA-p naatsorsuutigisai pillugit qanoq oqaloqateqartartiginersooq imaluunniit Akileraartarnermut Aqutsisoqarfiup nammineq eqqoriaanini tunngavigalugu ukiumoortumik naatsorsuutit eqqoriartarnerai. Akissutit: PAL-akileraarutinit naleqqiullugu SISA tapiisartunit annerpaasoq ilumoorpoq. Innuttaasut soraarnerussutissiaasa aningaasartaasa amerlanersai SISA-mut inissinneqarsimanerani tamanna peqquteqarpoq. Akileraartarnermut Aqutsisoqarfik SISA-mik ingerlaavartumik oqaloqatiginnittarpoq, matumani soraarnerussutisiaqarfiup aningaasaataasa aningaasaliissutigineqarnerisa ineriartorneri ilanngullugit oqaloqatiginnittarluni. Kontomi aningaasat amerlassusaat tunngaviusumik siumut naatsorsorneqarsinnaanngilaq, tassa isertitat aktianik obligationinillu il.il. pigisanit iluanaarutini tunngaveqarmat. Aktianik niuerfik qanoq ineriartussanersooq siumut naatsorsorneqarsinnaanngilaq, kisiannili Akileraartarnermut Aqutsisoqarfiup soorunami naatsorsuutigalugu soraarnerussutisianut tunngasut assigalugit pisuussutiniit ukiumut 3-5%-it missaannik nalinginnaasumik iluanaarfiusassasut. Tamatuma kingorna iluanaarutit PAL-akileraarutit angissusaannik 15,3%-imik akileraaruserneqassapput. Taamaattumik aktianik niuerfimmi qanoq pisoqarsinnaanerani missiliuinerusarpoq, kisianni ukiup tulliani qanorpiaq pisoqarumaarnersooq kialluunniit nalusarpaa. 2023, aningaasanut ukiumi 2024-mi naatsorsuineri tunngaviusooq naatsorsuutigisamiit aningaasanik niuerfinni malunnaatilimmik ukiunit tamanit taanna pitsaanersaasimavoq. Naatsorsuutitigut nassuiaatinit nassuiarneqartutut 2022-mi annaaneqartut 2023-mi pissarsiareqqinneqarneri pitsaasuusimavoq taamaalillunilu 2024-mi amerlanerusunik isertitaqarfiulluni.

31 - Isumaginninnermut, Ilaqutariinnut, Suliffeqarnermut Nunamullu Namminermut Naalakkersuisoqarfik

Konto	Apeqqutit
31	Susassaqarfiit iluini aningaasat utertinneqartussat eqqortumik piffissalersorneqarneri pillugit kommuninik qanoq oqaloqatiginnittoqartarpa? Akissutit: Naalakkersuisoqarfiup kommunillu ataasiakkaat akornanni ingerlaavartumik oqaloqatigiittoqarpoq, pingaartumik ukiup naammassinerani. Kommunini suliaasaqarfinnit aningaasanik akiliisarsimasunit uppersarsaatit takussutissartaannik Naalakkersuisoqarfik pissarsiniartarpoq. Aningaasartuutit eqqortumik piffissalersorneqarsimanersut utertinneqartunullu tiguneqarsimasunut naapertuunnersut takussutissani taakkunani qulakkeerneqarnissaat siunertaavoq. Assersuutigalugu kommuninit ataasiakkaanit ukiup naanerani takussutissat piniarneqartarpat, taakkunani immikkoortortani pineqartuni kommunit aningaasartuutaannik tassanngalu utertinneqartussanik takussutissaqarluni? Akissutit: Kommunini susassaqarfinni aningaasanut utertinneqartussanut aningaasartuutaasimasut uppersarsaataat Naalakkersuisut pissarsiariniartarpat. Aningaasartuutit eqqortumik piffissalersorneqarsimanersut aamma utertinneqarlutik tiguneqartut eqqortuunersut takussutissat taakku qulakkeerrinnartussaavaat. Kommunini kukkunersuiusut Namminersorlutik Oqartussanit utertinneqartartut immikkut ittumik kukkunersioartaraat ataatsimiititaliap maluginiarpaa. Kukkunersuiusut nalunaarusiaat naalakkersuisoqarfiup sumut atortarpaa? Akissutit: Kommunini kukkunersuiusunit nalunaarusiat suliarineqarsimasut Naalakkersuisoqarfimmit ima atorineqartarput: ➤ aarlerinartuusinnaasunik nalilersuinerimi: Aningaasat utertinneqartut suliarineqarnerini aarlerinaratarsinnaasut suussusersiniarneri aamma nakkutilliinerup nalimmassarneqarnera. ➤ suleriaatsit pitsanngorsarneqarneri: Kommunit piffissalersuinerinik amigaataaratarsinnaasut imaluunniit amigaatit sammineqassapput, taakku kommunit naatsorsuutinik suliaqarnerini pitsanngorsaataasinnaasunik innersuussinermik kinguneqarsinnaasarput.

	➤ aningaasanik naatsorsuineq: Utertinneqartut paasissutissanik eqqortunik uppersarsarneqarsimasunillu tunngaveqarnerinik qulakkeerinninneq, tamannalu aningaasaqarnermut akisussaaffeqarnermik pingaaruteqarlunnartuulluni.
310208	Ataatsimiititaliaq qujavoq aamma Naalakkersuisoqarfiup akissutai allappai. Naalakkersuisoqarfiup paasissutissiissutigisinnaanerlugu soraarnerussutisiallit qassiunersut aamma missingersuutit atuinerillu pillugit agguaqatigiissillugu akigitinneqartoq qassiunersoq? Akissutit: Kalaallit Nunaata Naatsorsueqqissaartarfianit utoqqalinersiutinik pisartagaqarsinnaatitaasut 2024-mi amerlassusaat 4.638-it aallaaviginiarlugit Naalakkersuisoqarfiup utoqqalinersianik tigusartagaqartussatut naatsorsuutigisat AI 2024-mi tunngavittut atorpai. Misilittakkat naapertorlugit utoqqalinersiuteqartussatut ukioqalersimasut 93%-iisa missai pisartagaqartarput, taamaattumik Naalakkersuisoqarfimmit amerlassusii 4.313-iussasut naatsorsuutigineqarluni. 2024-mi utoqqalinersiutinik pisartagaqarsimasut piviusumik amerlassusii Kalaallit Nunaanni Naatsorsueqqissaartarfimmit 4.207-nut nalunaarsorneqarsimapput. Kontop ineriartortinneqarnissaanik kommunip naatsorsuutigisai eqqarsaatigalugit kommuninik qanoq oqaloqatiginnittoqartarpa? Akissutit: Aningaasat missingersuusiorneqartut piviusullu aningaasartuutit imminnut naapertuunnersut qulakkeerniarlugit Naalakkersuisoqarfik kommuninik ingerlaavartumik oqaloqateqartarpoq. Akigititat allattorsimaffiata nutarterneqarnerani kiisalu utertitsisoqarnissaanik noqqaassutit nassiunnerini tamanna pisarpoq.
310311	Kontomi aningaasaliissutit 30,6% sinnerlugu nikingasoqarpoq, aningaasanngorlugit 12.146 t.kr.-iusut. Danskitt kommunii katsorsaasimasunit ukiut siuliini akiligassat annerusumik atuinerunermut peqquteqarsimasut allassimasoqarpoq. Naalakkersuisoqarfiup ukiup siuliini naatsorsukkat amerlanersaasa sumik peqquteqarsimaneri paasissutissiissutigisinnaavai? Akissutit: Danskitt kommuniniit ukiut siuliini utertinneqartut naatsorsuutininut allanneqartut 4,6 mio. kr.-it missaaniittut Naalakkersuisoqarfiup ilisimatitsissutigisinnaavaa. Siusinaartumik soraarnerussutillit Danmarkimiittut amerlassusaasa kisitsisitali qanoq suliarineqartarnersut aamma tassunga atasumik ukiumut aningaasartuutit naatsorsuutigineqartarnersut Naalakkersuisoqarfiup paasissutissiissutigisinnaanerlugit?

	Akissutit: Kommunit aamma Namminersorlutik Oqartussat immikkoortortaqarfii innuttaasunik ukiut siuliini innersuussisimasut akiligassaasa amigaatigineqartut aamma utertitsinissamik noqqaassutaajumaartussat tamakkiisumik takusinnaajumallugit danskit kommuniinik Naalakkersuisoqarfik ingerlaavartumik attaveqartarnisaminik piareersarpoq. Taamatut suli sulisoqarpoq aamma siunissami utertoortaaajumaartussat pitsaannerusumik missingersuusiortigineqarsinnaaneri Naalakkersuisoqarfiup naatsorsuutigai.
310320	Aningaasaliissutini nikingassut 11,4%-iuvoq, tamatuma naligaa 6.809 t. kr. Aningaasartuutit utertoortigineqartussat naatsorsuutigisamit ikinnerunerannik peqquteqartumik atuinikinnerusoqarsimasoq allasimasoqarpoq. Ineqarnermut tapinik pisartut qassiunersut aamma missingersuutit atuinerillu agguaqatigiissinnerisa akii pillugit Naalakkersuisoqarfik paasissutissiisnaavaa? Akissutit: Ineqarnermut tapisartut 2024-mi amerlassusaat Naalakkersuisoqarfimmit AI 2024-mi 3.500-inut eqqoriarneqarput. Ineqarnermut tapiissutininik tigusatagallit 2024-mi amerlassusiviit Kalaallit Nunaanni Naatsorsueqqissaartarfiup 3.423-nut nalunaarsorpai. Tamanna ima paasisariaqarpoq; ukiumut agguaqatigiisillugu missingersuusiorneqartut 17.114 kr.-iusut. ukiumut agguaqatigiillugu aki piviusoq 15.510 kr.-iuvoq. Kontop ineriartortinneqarnissaanik kommunip naatsorsuutigisai eqqarsaatigalugit kommuninik qanoq oqaloqatiginnittoqartarpa? Akissutit: Aningaasartuutit missingersuusiorneqartut piviusullu imminnut naapertuunnersut qulakkeerniarlugit Naalakkersuisoqarfik kommuninik ingerlaavartumik oqaloqateqartarpoq. Akigititat allattorsimaffiata nutarterneqarneranni aamma utertitsisoqarnissaanik noqqaassutit nassiunnerini tamanna pisarpoq.
310336	Naalakkersuisoqarfiup akissutaanut ataatsimiititaliaq qujavoq oqaaseqaateqarlunilu. Ajornartorsiutip annertussusaa pillugu nalunaarsuinernik suliaqartoqarsimanersoq naalakkersuisoqarfimmit paasissutissiissutigineqarsinnaava – aammalu tassunga utertitassanik ernereermermi aningaasaateqarfimmut naalakkersuisoqarfik qinnuteqarsimanersoq, taamaalilluni Namminersorlutik Oqartussanit ernereermermi sulinngiffeqarnermi ullormusianut aningaasartuutit Ernereermermi

	anigaasaateqarfimmut tapiissutit aqqutigalugit aammalu kommuninut utertinneqartussat aqqutigalugit anigaasalersorneqannginniassammata? Siunissami assingusumik pisoqannginnissaa qulakkeerniarlugu suliniutit suut eqqarsaasersuutigineqarnersut naalakkersuisoqarfimmit paasissutissiissutigineqarsinnaava? Assersuutigalugu kommunit oqaloqatiginerisigut suliffeqarfinni namminersortuni sulisuusut ujartorneqartarnersut innersuunnarlugit Ernereermermi anigaasaateqarfik aqqutigalugu qinnuteqaqqullugit? Akissutit: Aningaasaqarnermut Naalakkersuisoqarfiup DCR aqqutigalugu Isumaginninnermut, Suliffeqarnermut Nunamullu Namminermut Naalakkersuisoqarfiup apeqqummut tunngatillugu akissuteqarnissaa noqqaassutigisimagaluarpaa. Naalakkersuisoqarfik pineqartoq naak arlaleriarluni saaffigineqartaraluarluni akissuteqanngilaq. Akissutissarsisoqassapput akissutit kingusinnerusukkut nassiunneqassapput.
--	--

34 Peqqissutsimut Naalakkersuisoqarfik

Konto	Apeqqutit
341108	Ataatsimiititaliaq qujavoq aamma Naalakkersuisoqarfiup akissutai allappai. Kontomut aningaasat immikkoortinneqarsimasut ukiumit ukiumut amerliartortut ataatsimiititaliamit maluginiarneqarpoq. Allorfimmut innersuussisarnerup saniatigut katsorsaariaatsinik allanik peqarnersooq imaluunniit aningaasat immikkoortinneqarsimasut suliniutinut allanut aamma atorneqarnersut ataatsimiititaliaq paasissutissanik noqqaassuteqarpoq. Atornerluisunik katsorsaasarnermut atatillugu Allorfik eqqaassanngikkaanni periarfissat allat Naalakkersuisunit qanoq misissuiffigerusutsigaat? Akissutit: Allorfiup neqeroorutaanit allaanerusunik katsorsaariaatsinik allanik atuisoqartarpoq, tassami ingerlatseqatigiiffik Katsorsaavik Nuummi najugaqarfiutigaluni katsorsaavimmik ingerlatsimmat, nunalu tamakkerlugu tiguisinnaalluni. Aamma inoqarfinni minnerusuni katsorsaanerit Katsorsaaviup aamma isumagisarpai. Katsorsaavik Allorfimmit allaanerulaartumik suleriaaseqarpoq CENAP-imi tunngavinnik tunngavilinnik. Tamatuma saniatigut qaammammi uani ludomani.dk-miit aningaasanoornermik pinngitsuisinnaannginneq pillugu internettikkut katsorsaaneq aallartinneqassaaq.

	Nuna tamakkerlugu neqeroorut annerusumik kajumilersitsiniarluni apersuineramik, pissusilersuutitik silassorissuseq atorlugu katsorsaanermik tunngaveqartoq kiisalu aningaasanoornermik pinngitsuuisinnaajunnaarluni pissuseqarneq pillugu immikkut suliniutit tunngavigalugit neqerooruteqartoqartarpoq. Katsorsaariaatsit marluk siuliini taaneqartut pillugit katsorsartinnerup kingorna malitseqartitsilluni apersuinermi pitsaassuseq naliliiffiqineqarumaarpoq. Suliffeqarfiit pineqartut Allorfiup suliariumannittussarsiuussinerata kingorna katsorsaaniissamik neqeroorutit marluk pilersinneqarput.
--	---

70) Ineqarnermut Attaveqaasersuutinullu Naalakkersuisoqarfik

Konto	Apeqqutit
701003	Kontomi nuussisoqarsinnaasoq ataatsimiititaliamit maluginiarneqarpoq. Sillimasiinermit akiligassat taarsiiffiginninnermullu aningaasartuutit imminnut atanersut malinnaaffiqineqarsinnaanngorlugit naatsorsuusiortoqartarnersoq imaluunniit sillimasiinermit suliaqarfimmut assingusumik suliaqartoqartarnersoq Naalakkersuisoqarfik paasisutisseeqquneqarpoq. Akissutit: Ilisimatusarnermik suliaqarfiup akiligassai taarsiiffiqineqarnermullu akiligassat imminnut attuumassuteqarneri ingerlaavartumik malinnaaffigiumallugit naatsorsuutitigut malitseqarfigineqartussaasoq Naalakkersuisoqarfik ilisimatitsisinnaavoq. Sillimasiinissamik aqqissuussinernit tamarmik immikkut naatsorsuutini saqqummiffissaannik suliaqartoqartarpoq, taakkunani akiligassanit isertut aningaasartuutillu - matumani taarsiinerit ilanngullugit - immikkut takuneqarsinnaasarput, taamaalillunilu aqqissuussinernit ataasiakkaat aningaasaqarneri malinnaavigineqarsinnaasarput naliliiffiqineqarlutillu. Sillimasiisarnermik aqqissuussinernit ataasiakkaat iluini isertitat aningaasartuutillu imminnut naapertuuttumik oqimaaqatigiinnissaat qulakkeerniarlugu malinnaaneq ingerlaavartumik naliliinissamut akiligassallu naqqissoratarsinnaaneritut tunngaviliisarput.